



(國二) L3 綴會著時代的老教授      班級      座號      姓名：

阮厝邊是一位教授，伊欲倚八十歲矣，但是恰一般的老人無全款，伊真注重嘛真享受科技生活。

佇真濟人猶堅持看報紙的時，伊已經開始看網路新聞矣；佇真濟人猶慣勢看電視的時，伊已經用電腦、提平板，甚至早就攞用手機仔咧追劇、看電影、查資料。三不五時閣會招厝邊兜的囡仔兄，做伙連線耍遊戲、拚輸贏，共彼寡少年家電甲金鑲鑲，毋但按呢，佇真濟人猶咧領紙票付現金的時，伊對悠遊卡、line pay、一卡通到全支付，攞已經用甲誠四序、誠猛掠，連少年人嘛綴伊袂著。

我佢伊較捷接接、互相熟似，是佇兩、三冬前全臺灣當咧予新冠肺炎苦毒的時。彼當陣各級的學校攏實施線頂上課，拄開始我規頭殼摺咧燒。好佳哉！有老教授親身出馬，教我按怎接 mǎi-kù、裝鏡頭、試軟體、換學生仔入來會議室、分享螢幕畫面，一下仔就好熟矣。

我目睷大大蕊，好玄共問：「為啥物你佢一般的老人遐無仝？遐爾仔適應現代科技的生活？」老教授笑笑應阮：「毋管古早抑是這馬，科技的發展攞是為著咱人類的利便咧設想。既然有遐濟科學家和發明家拚勢咧替咱走揣進步的科技，若按呢，毋好好仔學習各種科技的發明來便利咱的生活，毋是傷無彩？」伊那講那捫手機仔，無佻久兩碗芳貢貢的焦麵佢滷味就送過來矣！「這是我的網友食好鬥相報的。來！鬥陣食。你看，是毋是真利便？」

聽老教授按呢開破，我大力頷頭，看伊遮爾享受科技生活，我嘛愛向伊學習，適應各種科技的新發明，好好仔來過利便、時行的科技新生活。

[illegible]

